

ԹԻՈՒԼԻ ՀԱՐՑԻ ԱՈԹԻՎ

ՍԱՄԻԼ ԱԼԵՔՍԱՆՅԱՆ

Արևելյան Հայաստանում ֆեոդալական ոենտատիրության ձևերից մեկը թիուղարությունն էր: Ժամանակակից հայագիտության մեջ XIX դ. սկզբի վերաբերմամբ, այդ ինստիտուտի էությունը ներկայացված է այսպես. «Թիուղները շնորհվում էին առանձին անհատներին՝ նրանց պետությանը մատուցած ծառայությունների դիմաց, հարկ-ոենտայից ժամանակավորապես կամ ցմահ օգտվելու իրավունքով: Թիուղը չէր թուլատրվում ո՛չ գրավ դնել և ո՛չ էլ վաճառել, մինչդեռ մուլքի վաճառքը ազատ կերպով թուլատրվում էր: Թիուղային գյուղերը հազվադեպ էին ժառանգական ավատներ դառնում, այն էլ ավելի հաճախ այն դեպքերում, երբ գտնվում էին տեղաբնակ հայ ազնվականության ձեռքում»¹:

Այս ընդհանուր բնորոշումը հիմնականում համընկնում է սովետական մի շարք հետազոտողների ընդունելի եզրակացություններին, որոնք արդյունք են նաև նախորդ դարերին վերաբերող փաստական նյութի քննության:

Մասնագիտական գրականության մեջ նույն այդ եզրակացություններն ուղեկցվել են հաճախ ամփոփիչ ձևակերպումների արտաքին նմանությամբ սքողված տարածայնություններով, ինքնահակասող դրույթներով: Դրանց բանավիճային սրությունն ընդգծել է հատկապես Ս. Մարկոսյանը՝ սեփական տեսակետի հիմնավորմանը զուգընթաց²: Կարծում ենք, որ նա ըստ էության ճիշտ է վերագնահատել թիուղի հարցի ուսումնասիրության վիճակը՝ Վ. Ռըշտոունու պատմագրական ամփոփման³ առաջին փորձից հետո: Ուստի, անհրաժեշտություն չենք տեսնում այդ բոլորը վերապատմելու:

Այսուհանդերձ, տակավին առկա են առանձին հեղինակների եզրակացությունների մակերեսային կամ միակողմանի գնահատման փաստեր: Դրանք առնչվում են հատկապես Երևանի խանությունում թիուղի էվոլյուցիայի և նրա «տեղական այլատեսակության» հարցի կարևոր մանրամասներին:

Բ. Հարությունյանը գրել է. «Թիուղությունն իր ծագմամբ նույնասեռ է մուլքին և հանդիսանում է մուլքի մի տեսակը՝ սրա, այսպես ասած, լայն

¹ «Հայ ժողովրդի պատմություն», հ. V, Երևան, 1974, էջ 20:

² Ս. Մարկոսյան, Ռուսաստանին միանալու նախօրյակին Արևելյան Հայաստանի հողատիրության և ճորտատիրության հարցի շուրջը (ՀՍՍՀ ԳԱ «Պատմա-բանասիրական հանդես») (այսուհետև՝ ՊՔՀ), 1961, № 3—4, էջ 255—262:

³ Վ. Ռըշտունի, Ուրվագծեր Հայաստանի գյուղացիության պատմության, մաս Ա, Երևան, 1960, էջ 9—46: Աշխատության այս բաժինը, գրեթե նույնությամբ, հրատարակվել է ՊՔՀ-ի 1958 թ. № 2-ում, առանձին հոդվածով՝ «Ֆեոդալական հարաբերությունները Արևելյան Հայաստանում Ռուսաստանին միանալու նախօրյակին», որը և նկատի է ունեցել Ս. Մարկոսյանը:

առումով⁴։ Սկզբունքային բանավեճ հարուցած այս տողերը մասամբ հասկանալի են մուլքի հետևյալ բնորոշման կողքին. «...ռենտա հարկի մուլքադարական մասն այլ բան չէր, քան ընդհանուր ռենտայի որոշակի բաժինը, որը գանձարանը զիջում էր (ժամանակավորապես կամ ժառանգաբար) տարրեր մարդկանց կամ հոգևոր հաստատությունների՝ պետական ծառայության դիմաց (ռոճիկի փոխարեն), իբրև պարզև վաստակների համար կամ իբրև վախճան կրոնական ծառայության համար»⁵։

Հեղինակի ձևակերպումներն իսկապես շեշտում են մուլքի ու թիուլի նույնասեռությունը միայն դրանց ծագման և առանձնաշնորհման առարկայի՝ ռենտայի, առումով։ Եթե դժվար է ենթադրել թիուլի, իբրև ընդլայնված մուլքի, վախճանյին տիրում, ապա նրա ժառանգման մասին էլ պետք էր խոսել վերապահությամբ։ Ինչևէ. հետազոտողների ուշադրությունը սեռվել է Բ. Հարությունյանի առաջին դրույթին, որը ներառում է բավարար հստակությամբ շուրջագծված երկու հարց։ Մի բան է պարզորոշ ասել, որ մուլքի ու թիուլի համասեռ ծագումը պայմանավորված էր միևնույն պետական առանձնաշնորհմամբ՝ պաշտոնավարության և հատուկ ծառայությունների համար (ի դեպ, մուլքի վերաբերմամբ սա վիճարկված, բայց, մեր կարծիքով, ճիշտ եզրակացություն է), մեկ այլ բան՝ որ, անկախ շնորհումների դրապատճառներից, տիրակալումների տեղությունից, թիուլը ընդհանուր հարկ-ռենտայի մուլքադարական մասի մի տեսակն էր կամ հակառակը։ Երկրորդ դեպքում, ասելիքը կարող է իմաստավորվել երկու ինստիտուտների տնտեսագիտական համադրմամբ, այսինքն, այն խնդրի արժարժմամբ, թե ի՞նչն էր պարզաշնորհման առարկան, ռենտատիրության հիմքը։

Սակայն, հենց այս կարևոր նկատառումով, Բ. Հարությունյանի վերոհիշյալ մտքերը չեն համընկնում ՆԻՊ, Ի. Պետրուշևսկու, Վ. Ռշտունու, Մ. Ադունցի և այլ հետազոտողների հիմնական տեսակետին, ըստ որի մուլքագուղատիրությունը կամ մուլք-տասանորդի յուրացման հիմքը հողի անպայման մասնավոր սեփականությունն էր⁶։ Հանրահայտ է, որ թիուլն էլ, իբրև կանոն, ռենտայի փոխակերպված պետական հարկի, ավելի հաճախ՝ նրա մի բաժնի (փոքր բահրա-հնգորդի) ժամանակավոր կամ ցմահ մասնատիրումն էր։ Ի. Պետրուշևսկու և տյուց կարծիքով, այն Սեֆևիների ժամանակ գործնականում դառնում էր նաև պայմանական հողատիրություն, XVIII դ. կեսերից վեր էր ծծվում հողային սեփականության կամ մուլքին նույնանալու տենդենց էր ցուցաբերում⁷։ Ս. Մարկոսյանի վերլուծությունները համոզում

⁴ Б. Арутюнян, Крупное монастырское хозяйство в Армении в XVII—XVIII вв., Ереван, 1940, стр. 38.

⁵ Նույն տեղում, էջ 19։

⁶ Նույն տեղում, էջ 33—34, 36, И. Петрушевский, Очерки по истории феодальных отношений в Азербайджане и Армении в XVI—начале XIX вв., Л., 1949, стр. 222—241; М. Адонц, Экономическое развитие Восточной Армении в XIX веке, Ереван, 1957, стр. 35—38, Վ. Ռշտունի, նշվ. աշխ., էջ 9—40, Հ. Թումանյան, Հայաստանի տնտեսական զարգացման պատմություն, Երևան, 1960, էջ 252—257 (անվանապես հիշատակում ենք այն հեղինակներին, որոնց եզրակացություններին անդրադառնալու ենք ստորև՝ մուլքի և թիուլի համադրման առթիվ)։

⁷ И. Петрушевский, նշվ. աշխ., էջ 215—221, Հմմտ. Վ. Ռշտունի, նշվ. աշխ., էջ 27—28, М. Адонц, նշվ. աշխ., էջ 33, 37—38, Հ. Թումանյան, նշվ. աշխ., էջ 257—258, А. Новосельцев, В. Пашуто, Л. Черепнин, Пути развития феодализма 8—6

Արդ՝ եթե մուլքադարության հիմքը հողի անպայման մասնավոր սեփականությունը լիներ, ապա պետական սեփականությունից կամ նույնիսկ մասնավոր պայմանական հողատիրությունից «ծագող» թիուլը (ռենտայի փոխակերպված հարկամասը) որակապես չէր կարող նույնասեռ լինել մուլքին և հանդիսանալ նրա մի տեսակը, այն էլ՝ լայն առումով: Ընդգծելով այս հակասությունը, Ս. Մարկոսյանը միաժամանակ վկայաբերել է թիուլ-մուլքադարական գյուղերի միանձնյա տիրման, անբաժան հողատարածքով ու հարկատուներով միևնույն գյուղի համատիրակալման և առանձին մուլքաբաժինների օտարման հայտնի փաստերը: Իսկապես, հնարավոր չէ ակնկալել դրանց տրամաբանված մեկնաբանություն՝ ելակետ ընդունելով ինչպես մուլքի նույնացումը հողի մասնավոր սեփականության հետ, այնպես էլ նրա ալոդիմաստ համասեռությունը թիուլին կամ վերջինիս վերափոխման (հողատիրություն դառնալու) տենդենցը: Մինչդեռ նման փաստերը հաստատում են Ս. Մարկոսյանի այն պնդումը, որ մուլքն ու թիուլը որակապես նույնասեռ էին իբրև հողի պետական ֆեոդալական սեփականության տնտեսական իրացման ձևի՝ հարկ-ռենտայի մասնատիրական բաժիններ⁹: Այլ կերպ ասած, Բ. Շարունյանի վերոհիշյալ դրույթն ինքնին ճիշտ է, իսկ նրա ինքնահակասման հիմնական պատճառն ու անընդունելին մուլքադարության նույնացումն է հողի մասնավոր սեփականատիրման հետ: Ըստ ամենայնի, ճիշտ դրույթը

8 Ս. Մարկոսյան, նշվ. աշխ. (ՊԲՀ, 1961, № 3—4, էջ 246, 255—260), նույն ի հոմոնիմոսի իրավունքը Արարատյան երկրում XVII—XVIII դարերում, Նրեան, 1976, էջ 109—176; Թիուլի ժառանգման պայմանականությունը հնդինակը բացատրել է այսպես. «Թիուլի իրավունքը անձնական (պերսոնալ) էր, այսինքն՝ թիուլաբարությունը ժառանգական բնույթ չուներ և եթե թիուլն անցնում էր ժառանգին, ապա այդ կարող էր լինել միայն իշխանության կողմից տրվող նոր հրովարտակի հիման վրա: Այս կողմից թիուլը հիշեցնում էր մեջնադարյան Եվրոպայի բենեֆիցիանա էջ 157):

9 Ս. Մարկոսյան, Իմոնիտետի իրավունքը Արարատյան երկրում, էջ 160—163 և ՊՂԶ, 1951, № 3—4, էջ 260—261: Ուշագրավ է մասնավորապես հեղինակի հետևյալ դիտողությունը Մելիք Աղամալյանի թիույվ-մուլքադարական իրավունքի մեկնաբանության առթիվ, լեքին տվյալ գույզի, օրինակ՝ Արդականի, մուլքը մասնավոր սեփականության իրավունքով պատկանում էր ֆեոդալին, ապա նույն գյուղում թիուլային իրավունք ստանալը հողային սեփականության բնույթ կրել էր կարող այն պարզ պատճառով, որ մեր հետազոտողների (Ի. Պետրուշենկոյ, Կ. Ուշտուևո, Մ. Առնոցի և այլոց—Ս. Ա.) պատկերացմամբ հողային ֆոնդը մինչև թիուլի ջնորհին արդեն ֆեոդալի սեփականությունն էր հանդիսանում... Մելիք-Սահակի ժառանգները (երա մահից հետո—Ս. Ա.) զրկվելով թիուլից, շարունակում են մնալ ոչ թե գյուղի մի մասի, այլ ամբողջ գյուղի մուլքադարը, Հետևաբար հողային ֆոնդը բաժանված չէր ֆեոդալի ու պետության միջև Բն՝ մուլքադարությունը, թե՛ թիուլադարությունը վերաբերում էին ամբողջ գյուղի հողային ֆոնդին: Իսկ եթե այդպես է, ապա միևնույն հողային տարածությունը չէր կարող չինել և՛ ապագայման սեփականություն, և՛ պայմանական, և՛ ժառանգական սեփականություն, չատ-չատ ցմահ (էջ 260):

կանխավ ղրկվել է վերլուծական խորքից, մնացել թերավարտ, որովհետև Բ. Հարությունյանը սկզբից եթե մուլքերի օտարումն ու ժառանգումը դիտել է որպես հողի սեփականատիրման հայտանիշներ¹⁰, լուելյայն բացառելով փաստերի այլ հնարավոր, ավելի համակողմանի և ստույգ մեկնաբանություն՝ ռենտատիրության իրավունքի օտարման կամ անժամկետ ժառանգման իմաստով¹¹, Չանդրադառնալով մուլքի բնորոշման առթիվ ծավալված բանավեճի ընդհանրությունը՝ հիշենք, որ այդ իրավունքի էությունը ֆեոդալական էր, անկախ ֆեոդալական հողային սեփականության կոնկրետ ձևից:

Վ. Ռշտունին թիուլի ու նրա էվոլյուցիայի հարցում «ընդհանուր առմամբ» համաձայնելով Բ. Պետրուշևսկու հետ, միաժամանակ ընդունել է մուլքի ու թիուլի նույնասեռությունն ռայն իմաստով միայն, որ երկուսն էլ ֆեոդալական հողային հարաբերություններ էին նշանակում, սակայն, ամեն մեկն իր էական առանձնահատկություններով¹², Հեղինակը դրականապես համառոտագրել է այդ առանձնահատկությունները ըստ Բ. Հարությունյանի¹³ և անդրադարձել Բ. Պետրուշևսկու աշխատության այն հատվածներին, ուր «հիմնական քննադատության են ենթարկված» Հայկական մարդի ցարական պաշտոնյա Ի. Շոպենի հաղորդումները մուլքի ու թիուլի, մասնավորապես նրանի խանությունում վերջինիս մի «տարատեսակի» վերաբերյալ¹⁴, Նա նշել է նաև, որ Բ. Հարությունյանը հակված է թիուլային համարելու էջմիածնի վանքի կալվածատիրական իրավունքները Վաղարշապատ գյուղի նկատմամբ, իսկ «Ի. Պետրուշևսկին այդ նկատում է իբրև Շոպենի սխալ տեսակետի մասնակի ընդունում»¹⁵:

Մուլքի և թիուլի՝ կասկած չհարուցող ֆեոդալական նշանակության ընդգծումն այստեղ ստվերել է Բ. Հարությունյանի ինքնահակասումը, նրա և Ի. Պետրուշևսկու սկզբունքային տարաձայնությունները: Եղել են նաև հողային հարաբերությունների ուրիշ ձևեր ու հարկատեսակներ, արտադրողներից գանձվող հասույթների այլևայլ առանձնաշնորհումներ՝ ընդհանուր ֆեոդալական նշանակությամբ: Մինչդեռ, մասնատիրման առանձնահատկությունների արձանագրումը պիտի սրեր այն հարցը, թե կոնկրետ ի՞նչ իմաստով կարելի էր ընդունել հատկապես մուլքի ու թիուլի համասեռ ծագումն ու միատեսակությունը և Բ. Հարությունյանի դրույթը հաշտեցնել Ի. Պետրուշևսկու տեսակետին: Հենց միայն Ի. Շոպենի «սխալ տեսակետի» արժարժումը հուշում է, որ Վաղարշապատի պատկանելության խնդրով հարուցված վեճը սկզբունքորեն մասնակի բնույթ չունի¹⁶, այլ վերաբերում է թիուլին ու նրա գույքագրմանը մուլքին՝ առհասարակ:

¹⁰ Б. Арутюнян, *նշվ. աշխ.*, էջ 29—37:

¹¹ Ս. Մարկոսյան, Ազրաբային հարաբերությունները Արարատյան երկրում XVII—XVIII դդ. և XIX դարի առաջին քառորդում, Երևան, 1959, էջ 8—70, Մ. Եգանյան, Հայաստանի հետոնֆոդյան ազրաբային հարաբերությունները, Երևան, 1964, էջ 10—11, В. Дилоян, Восточная Армения в первой трети XIX столетия и армяно-русские отношения (автореферат докторской диссертации), Ереван, 1974, стр. 21—22.

¹² Վ. Ռշտունի, *նշվ. աշխ.*, էջ 23:

¹³ Նույն տեղում. հմտ. Б. Арутюнян, *նշվ. աշխ.*, էջ 26, 29—30, 33—34, 38:

¹⁴ Վ. Ռշտունի, *նշվ. աշխ.*, էջ 25—28:

¹⁵ Նույն տեղում, էջ 26, 56:

¹⁶ Վիճելի հարցն ունի նաև մեկ այլ կողմ՝ կապված «մաղաֆություն» խնդրի հետ, որն այստեղ չենք քննում:

Ի. Պետրուշևսկին անհիմն է համարել նախահեղափոխական կոմկասագետների (ամվելացնենք՝ նաև Բ. Հարությունյանի վերը մեջբերված) այն պնդումը, ըստ որի մուլքը, որպես հարկ-ռենտայի մի մաս, ոռճիկ էր պետությանը ծառայելու դիմաց: Նա նշել է մուլքային կալվածքների առաջացման «լեգալ» ուղիներ՝ ժառանգում, գնում, շահական և խանական առանձնաշնորհում (որը պայմանավորված չէր պետությանը ծառայելով և, շնայած որ կարող էր տրվել ծառայող մարդու կամ վաստակների համար, շնորհյալը դրանից հետո պարտավոր չէր ծառայել) և «անլեգալ» ուղի՝ զավթումներ¹⁷:

Պաշտոնավարության հետ մուլքատիրման կապի ժխտումն իսկ մուլքի՝ իբրև մեկընդմիջտ հողի մասնավոր սեփականության, վերաբերյալ Ի. Պետրուշևսկու տեսակետի հենասյուներից մեկն է: Երևութապես այն առնչվում է մեզ հետաքրքրող հարցի մի կողմին՝ առայդմ ընդգծելով մուլքի ու թիուլի տարասեռ ծագումը: Սակայն Ի. Պետրուշևսկին ամփոսանքով մատնանշել է Բ. Հարությունյանի նահանջը հիմնական տեսակետից հարցի մյուս կողմում՝ արդեն մուլքի ու թիուլի միատեսակության վերաբերյալ նրա ինքնահակասող գրույթը կապելով բացառապես Ի. Շոպենի «սխալի» դուրահավատ կրկնման կամ թիուլի ինստիտուտի սահմանափակ ըմբռնման հետ¹⁸:

Անկասկած, թիուլին վերաբերող Ի. Շոպենի դրույթներն առավելապես տեղեկատու-նկարագրական, քան գիտական վերլուծական բնույթի են: Գուցե դա էլ նպաստել է այն շտապ եզրակացությանը, թե նա բավականաչափ տեղյակ չէր թիուլին՝ նույնիսկ որպես փաստագրող: Ի. Պետրուշևսկու կարծիքով, Շոպենին հայտնի էր միայն XVIII դ. և XIX դ. սկզբին Նախիջևանի ու հատկապես Երևանի խանություններում շատ տարածված թիուլի մի տեսակը՝ Ռամառնոմը մուլքին, այն էլ Երևանի խանությանը վերաբերող ցարական պաշտոնական ու թարգմանված պարսկական փոքրաթիվ փաստաթղթերից, ուստի նա չգիտեր, թե ի՞նչ է թիուլի ինստիտուտն առհասարակ և անդրկովկասյան մյուս խանություններում¹⁹: Ի. Պետրուշևսկին իրավացիորեն նկատել է, որ թիուլի այդ «տեղական հատուկ տարատեսակը» որևէ էվոլյուցիա չապրեց հողային սեփականություն դառնալու իմաստով, այլ մնաց մուլքադարձներին շնորհվող սկզբունքորեն ժամանակավոր կամ ցմահ իրավունք՝ նրանց մուլքատու գյուղերի արքունի հարկաբաժնի նկատմամբ²⁰:

Հարց է ծագում. Երևանի խանությունում չկա՞ր արդյոք մուլքին չհամատեղվող, առանձին կամ ամբողջական թիուլ, թե կար, բայց Ի. Շոպենը չէր նկատել:

17 И. Петрушевский, *Указ. соч.*, т. 241—243. *Հմտ:* П. Арутюнян, Освободительное движение армянского народа в первой четверти XVIII века, М., 1954, стр. 22—34. Ս. Մարկոսյանը փաստորեն ապացուցել է, որ մուլքերի առաջացման միակ աղբյուրը հողի պետական սեփականության սկզբունքից բխող շահական առանձնաշնորհումն էր՝ պայմանավորված և՛ շնորհյալի պաշտոնավարությամբ ու վաստակներով, և՛ ոռոգում կազմակերպելու մասնավոր նախաձեռնությամբ ու շրտիրություններով: Իսկ ժառանգումը, գնումը, նվիրաբերումը և զավթումները մուլքերի առաջացման կամ քանակական աճի աղբյուր չէին, այլ հատկանշում էին դրանց շարժը: Նման գործարքները (վերադասի հաստատումներով ու դատական վճիռներով) հիշեցնում են, որ մուլքերն արդեն գոյություն ունեին (Ս. Մարկոսյան, Ազրաբային հարաբերությունները Արարատյան երկրում, էջ 308—330):

18 И. Петрушевский, *Указ. соч.*, т. 207—208, 238.

19 Նույն տեղում:

20 Նույն տեղում, էջ 207—208.

Այս հարցի պատասխանը կարևոր է, նախ, ի. Պետրուշևսկու եզրակացություններն առավել հստակությամբ ներկայացնելու համար: Ս. Մարկոսյանը, օրինակ, դրել է, որ Վ. Ռշտունին և ի. Պետրուշևսկին «տրամագծորեն հակառակ կարծիք ունեն» Երևանի խանության թիուլի վերաբերյալ, քանի որ Վ. Ռշտունին, վկայաբերելով ի. Պետրուշևսկու ուսումնասիրությունը, պնդել է, թե Արևելյան Հայաստանում նույնպես թիուլը ժառանգական հողային սեփականություն դառնալու տենդենց ունեւր (ո՞ր թիուլը—Ս. Ա.), մինչդեռ «Պետրուշևսկու կարծիքով, ի տարբերություն Անդրկովկասի մյուս խանությունների, որտեղ թիուլի շնորհումը դարձել էր հողի շնորհում, Երևանի մարզում իբրև թիուլ հատկացվում էր հարկ-ռենտայի պետությանը պատկանող մասը»²¹: Ընթերցողը կարող է բանն այնպես պատկերացնել, թե ի. Պետրուշևսկին ինքն էլ չի ենթադրել ամբողջ հարկ-ռենտայի թիուլատիրման գոյություն Երևանի խանությունում, ուստի և թիուլի էվոլյուցիան բնորոշ է համարել միայն Ադրբեջանի խանություններին: Իրողությունն այդ չէ: Պարզապես Վ. Ռշտունին անվերապահորեն առաջ է բերել ի. Պետրուշևսկու ընդհանուր եզրակացությունը թիուլի էվոլյուցիայի մասին, իսկ Ս. Մարկոսյանն, այս դեպքում՝ ի. Շոպենին և Բ. Հարությունյանին հասցեագրած ի. Պետրուշևսկու քննադատությունը թիուլի «տեղական ալլատեսակի» մեկնաբանման առթիվ: Մինչդեռ, դրանց կողքին մի ժանրակշիռ փաստ կա, որը վրիպել է Ս. Մարկոսյանի ուշադրությունից: Բանն այն է, որ ի. Պետրուշևսկին ի. Շոպենին և Բ. Հարությունյանին քննադատելիս, իրոք, որոշակիորեն չի ասել, որ Երևանի խանությունում գյուղի լրիվ թիուլատիրում էլ կար: Բայց որ նա չի անտեսել վերջինիս գոյությունն այնտեղ, պարզ երևում է Արևելյան Անդրկովկասում թիուլի էվոլյուցիան արժարժող նրա ընդհանուր հարցադրումից և այդ առիթով կոնկրետ Երևանի խանությանը վերաբերող մի հպանցիկ փաստարկումից²²: Ըստ ի. Պետրուշևսկու, այդ թիուլի, արդեն իբրև գյուղի ամբողջ հարկ-ռենտայի և հողի» ժառանգումը, եթե ոչ օրենքով, ապա գործնականում խանական շնորհադրերով «ընդհանուր կանոն» էր դարձել, իսկ Վ. Ռշտունու ձևակերպմամբ Երևանի խանությունում, ընդհակառակն, ընդհանուր կանոնը թիուլի ժամանակավոր կամ ցմահ տիրումն էր, և այն ժառանգական սեփականություն դարձնելու անկրտամների արդյունքները մեծ չէին վերջին սարդարի օրոք»²³: Սա է նրանց եզրակացությունների, ակնհայտորեն ոչ էական, տարբերությունը տվյալ խնդրում:

Այժմ դառնանք ի. Շոպենին հասցեագրված քննադատությանը: Մեր կարծիքով, նրա սակավ իրազեկության մասին ի. Պետրուշևսկու պնդումը ճիշտ չէ: ի. Շոպենը գրել է «Ֆեոդալական ընդհանուր սիստեմին հիմնված... և հավանաբար լեների հետ միևնույն ժազումն ունեցող» թիուլների մասին²⁴: Այս բնորոշումից հետո նա տեղեկացնում է, որ երբեմն գյուղի մուլքադարը պարզեատրվում էր նույն գյուղի թիուլով (արքունի հարկաբաժնով)՝ հատուկ ծառայության կամ խիզախության համար²⁵: Սա մուլքին համատեղվող թի-

21 Ս. Մարկոսյան, նշվ. աշխ. (ՊՐԶ, 1961, № 3—4, էջ 259—260):

22 И. Петрушевский, նշվ. աշխ., էջ 220:

23 Նույն տեղում, էջ 220—221, Վ. Ռշտունի, նշվ. աշխ. էջ 23, 27—28, 43:

24 И. Шопен, Исторический памятник состояния Армянской области в эпоху присоединения ее к Российской империи, СПб, 1852, стр. 928.

25 Նույն տեղում, էջ 929:

ույն էր, կինում էր և այնպես, որ ասարդարը որևէ աստիճանավորի տալիս էր գյուղի պետական եկամուտների մի մասը, որպես թիուլ, մինչդեռ գյուղի մուլքից օգտվում էր ուրիշը²⁶։ Սա առանձին շնորհավող թիուլն էր²⁷։ Կային նաև մուլքերին փոխարինող թիուլներ, որոնց դադարեցման դեպքում առաջինները պետք է վերականգնվեին²⁸։ Վերջապես բերենք Ի. Շոպենի տողերը գյուղի ամբողջ հարկ-ռենտայի թիուլային շնորհման մասին և բավականաչափ պարզ կդառնա, որ նրա տեսածն ու իմացածը միայն մուլքին համատեղվող թիուլը չէր. «Թիուլությունն ընդհանրապես տիրոջը տալիս էր անմիջական տնօրինման իրավունք առանձնաշնորհված գյուղում, որը միաժամանակ հանվում էր հարկացուցակներից. այնուհետև բոլոր տուրքերն ու պարտավորությունները գնում էին տիրոջ օգտին»²⁹։

Բ. Հարությունյանը, վկայակոչելով Ի. Շոպենի այս տողերը թիուլի, իբրև ընդլայնված մուլքի, վերաբերյալ իր դրույթն ապացուցելու համար, այնուհետև գրել է. «Չնայած և թիուլդարին, այսինքն՝ թիուլի տիրոջը, տրվում էր «անմիջական տնօրինման իրավունք», սակայն, նա, ինչպես և մուլքդարը, իրավունք չունեի խախտելու հողի համայնական տիրման (մեկ այլ, ավելի հստակ ձևակերպմամբ՝ «համայնքին պատկանող հողային տարածություն» — Ս. Ա.) ամբողջականությունը, իրավունք չունեի գյուղացիներից հող վերցնելու, այն վաճառելու կամ օտարելու»³⁰։ Անշուշտ, մինչև Ի. Շոպենին վկայակոչելը, հեղինակը պետք է աներկմտորեն համաձայնած լիներ նրա հետ, որ ինչպես թիուլդարները, այնպես էլ մուլքդարները «եկամուտների հասարակ մասնակիցներ» էին և ոչ թե հողի սեփականատերեր։ Այլապես առկա է ինքնահակասումը։

Ի. Պետրուշևսկին, ելակետ ընդունելով այն չապացուցված կանխադրույթը, թե Ի. Շոպենին հայտնի էր միայն մուլքի ու թիուլի հանդիպակալումը և «թիուլությունն ընդհանրապես» արտահայտությունը լոկ այդ էր նշանակելու, նկատել է, որ գյուղի անմիջական տնօրինումը չէր բխում «թիուլի իրավաբանական իրավունքից, այլ կարող էր յուրացվել տիրոջ կողմից, այսպես ասած, հայտային կարգով»³¹։ Այստեղ ու այսքանով էլ նա փորձել է հայտնաբերել Ի. Շոպենին «գյուրահավատորեն» վստահող Բ. Հարությունյանի «սխալը»։

Տվյալ դեպքում, երբ մուլքի ու թիուլի համատեղման առթիվ չի մատնանշվում թիուլի վավերագրված որևէ շնորհում, դժվար է ասել, թե հեղինակ-

²⁶ Նույն տեղում։

²⁷ Ի դեպ, թիուլ կարող էր մասնահանվել նաև ոչ հողագործական, օրինակ՝ արհեստագործական, հարկային եկամուտներից։ Կ. Петрушевский, նշվ. աշխ., էջ 101։

²⁸ Կ. Шопен, նշվ. աշխ., էջ 929—930։

²⁹ Նույն տեղում, էջ 928—929։ Այս բոլորից հետո, Ի. Շոպենը հիշատակել է պաշտոնների ժառանգման հետ կապված թիուլների (եկամուտներից օգտվելու իրավունքի) գործնական ծառանգում, օտարման ու դրավորման դեպքեր՝ ի խախտումն սահմանված կարգի (Կ. Шопен, նշվ. աշխ., էջ 930)։

³⁰ Կ. Арутюнян, նշվ. աշխ., էջ 34, 37—38։ Այսուհանդերձ հեղինակը փորձել է պնդել, որ նույնիսկ գյուղացիական «շինությունների տակի հողը պատկանում էր կալվածատեր-մուլքդարին» (էջ 36), և նա կարող էր օտարել «մուլքային կալվածքն ամբողջությամբ կամ մաս-մաս» (էջ 34)։

³¹ Կ. Петрушевский, նշվ. աշխ., էջ 207—208։

ներից ով ի՞նչ բովանդակությամբ է ըմբռնել (կամ պետք է ըմբռնեն) «գյուղի անմիջական տնօրինումը»։ Դա որչափ հավաքական, նույնչափ էլ հստակ տարբերանշումներ պահանջող արտահայտություն է։ Իսկ ընդհանրապես կարելի է մտորել և՛ բնավճար-բահրան, և՛ դրամատուրքը անձամբ ղանձելու, և՛ գյուղացիների որոշակի աշխատանքային պարտավորություններից օգտվելու մասնատիրոջ իրավունքի առկայությամբ կամ բացակայության, և՛ նրա վարչական իշխանության, գուցե և՛ ուրիշ բաների մասին։ Թերևս Ի. Պետրուշևսկու դիտողությունից նույնպես մակաբերենք հարկազանձման իրավաբանական կարգավորման խնդիրը (նկատի ունենալով սուվերենի և կոնկրետ շնորհյալի փոխհարաբերության շրջանակը), առանձնաշնորհված գյուղում միանձնյա տիրոջ կառավարչական իրավասության խնդիրը և այլն։ Ընդ որում, եթե, օրինակ, աշխատավճարումներից օգտվելը պարտադրորեն չէր բխելու Թիուլի իրավաբանական իրավունքից, ապա՝ առավել ևս չէր կարող սլաշմանավորվել մուլքի ու Թիուլի հանդիպակայումով («ЯВНОЧНЫМ ПОРЯДКОМ»)։ Սակայն բոլոր պարագաներում կարևորն այն է, որ Ի. Պետրուշևսկու այդ դիտողությունը չի պարունակում մուլքն ու Թիուլը որակապես կամ ըստ հիմքերի համադրող գործոն (որպիսին, օրինակ, առաջադրվում է Ս. Մարկոսյանի մեկնաբանությամբ)։ Մինչդեռ, Բ. Հարությունյանի դրույթն ըստ էության գնահատելու համար, առաջին հերթին, անհրաժեշտ էր ուշադրություն դարձնել նրա այն տողերին, որ «գյուղի անմիջական տնօրինումը» չէր նշանակում համայնական հողի ինքնակամ տնօրինում։ Ծիշտ է, հեղինակը կարծել է, թե էջմիածնի վանքը, որպես Թիուլատեր, օգտվելով «կարգադրողի իր իրավունքից»՝ Վաղարշապատի գյուղացիներին սահմանված աշխատավճարի չափը գերադանցող կոռի էլ էր տանում՝ «խորամանկորեն» այդ հարկադրանքը մեղմացնելով «որոշ վճարով»³²։ Հիշենք նաև, որ այս վերջին եղրակացությունը (մասնավորապես Ի. Շոպենի հաղորդումների յուրովի մեկնաբանությամբ) առարկելի է³³։ Բայց անկախ ռենտայի որոշակի ձևից և փաստական չափերից, անկախ «գյուղի անմիջական տնօրինման» այլևայլ հատկանիշներից և զրանց իրավաբանական ակունքներից, Բ. Հարությունյանի դրույթով համադրվում են գյուղացու վճարած հարկ-ռենտայի տարբեր բաժինները։ Իսկ դրանց անբաժան յուրացումը կարող էր տեղի ունենալ ինչպես միևնույն անձնավորության օգտին մուլքի ու Թիուլի համատեղման, այնպես էլ նոր հիմունքով գյուղի ամբողջ հարկ-ռենտայի Թիուլային շնորհման դեպքում։ Ըստ Ի. Պետրուշևսկու, Ի. Շոպենն անձանոթ էր վերջին դեպքին և հենց այդ հանդիպակայումն էր սխալմամբ ընդգուճում Թիուլի ինստիտուտի էության տեղը³⁴։ Այստեղ փաստորեն միակ ընդգծելին մնում է այն հարցը, թե կարելի՞ է արդյոք մուլք-տասանորդի և բահրա-հնգորդի (գուցե նաև դրա հետ միասին՝ գյուղացիների այլ պարտավորությունների) միանձնյա տիրումը «Թիուլ» անվանել։

Հենց Ի. Պետրուշևսկու նշած հարկ-ռենտայի ամբողջական Թիուլային շնորհումը³⁵ (նոր հիմունքով) արդեն ներառում էր արքունի եկամուտների

³² Б. Арутюнян, նշվ. աշխ., էջ 59—60.

³³ Վ. Դիույան, էջմիածնի վանական տնտեսությունը 19-րդ դարի սկզբին («Էջեր հայ ժողովրդի պատմության և բանասիրության», Երևան, 1971, էջ 178)։

³⁴ И. Петрушевский, նշվ. աշխ., էջ 207.

³⁵ Նույն տեղում, էջ 218.

այն բաժինը, որն այլ պարագաներում, իբրև մուլք-տասանորդ, անցնում էր ուրիշների կամ մնում էր պետությանը: Եթե այդ լրիվ հատկացումը պաշտոնապես կոչվում էր թիուլ, ապա, գործ ունենք տերմինի այլ՝ փոքր բահրայից քանակապես տարբեր, մի ընդլայնված բովանդակության հետ: Ուրեմն մասնատիրոջ յուրացրած ունեւայի, առտադրողի ամբողջական տուրքավճարի առումով, Բ. Հարությունյանի դրույթը թիուլի՝ իբրև ընդլայնված մուլքի, վերաբերյալ առարկության տեղ չի թողնում: Այդ նույն նկատառումով քանակապես տարբեր, բայց որակապես համասեռ էին նաև մուլք-տասանորդն ու բահրահնգորդը: Ծիշտ չէր լինի հրաժարվել այն պարզ մտքից, որ այս երկուսի համատեղմամբ մասնատիրոջ իրավունքն ընդլայնվում էր թիուլի հատկացման շնորհիվ՝ անկախ հարկազանձման գործնական, եղանակից և գյուղի անմիջական տնօրինման հայտային կարգից: Այդ պատճառով էլ «թիուլ» տերմինը, իր առարկա դրժադրմամբ, Ի. Շոպենի ժամանակ կլանում կամ, Բ. Հարությունյանի խոսքերով ասած, ընդլայնում էր «մուլքի» իմաստը, երբ համատեղում էր վերջինին: Հարկավ, այդ իմաստով պետք է ըմբռնել սովետական հետազոտողների հետևյալ ձևակերպումները (ընդգծումները մերն են—Ս. Ա.). Բ. Հարությունյան. «Վաղարշապատի գյուղացիները, որոնք էջմիածնի տիրապետության տակ էին գտնվում թիուլական իրավունքով, վճարում էին էջմիածնին բացի «մուլքից», նաև «բահրա» (ունեւայի պետական մասը), բերքի $\frac{1}{5}$ -ի չափով, ինչպես նաև դրամական տուրք»³⁶: Վ. Ռշտունի. թիուլատերերը ստանում էին ոչ միայն մուլքադարին հասնող տուրքերը, այլև պետական հարկերը³⁷: Մ. Ադոնց. «Եթե մուլքադարական և թիուլային իրավունքը ներկայանում էր մեկ անձնավորությանը, ապա թիուլագրը միաժամանակ ստանում էր մուլք՝ հարկ-ունեւայի պետական բաժինը»³⁸: Հ. Թումանյան. «Հենց այս (մուլքի և թիուլի համատեղման—Ս. Ա.) տեսակետից մոտենալով՝ ակնհայտ է դառնում, որ թիուլագրը ոչ միայն հանդես էր գալիս լոկ որպես հողի սեփականատեր, այլև, միաժամանակ, որպես պետության ներկայացուցիչ, որին հանձնված էր տվյալ գյուղի տնօրինումը»³⁹: Ս. Մարկոսյան. «Թիուլը կարող էր հատկացվել նույն գյուղի մուլքադարին, այս դեպքում, թիուլն իր մեջ կլանում էր ամբողջ հարկ-ունեւան, կամ ամբողջ բահրան»⁴⁰: Վ. Դիլոյան. «Վաղարշապատ և Օշական գյուղերը, որպես վանքապատկան տիրույթներ, ինչպես մուլքը, այնպես էլ բահրան վճարում էին էջմիածնին»⁴¹, ապա՝ «էջմիածնի վանքին պատկանող (այդ—Ս. Ա.) գյուղերը նույնպես համարվում էին թիուլ»⁴² (նկատի է ունեցել XIX դ. սկիզբը):

Եթե Վ. Ռշտունին, Մ. Ադոնցը և Հ. Թումանյանը ընդունել են Ի. Պետրուշևսկու հիմնական տեսակետը մուլքի ու թիուլի վերաբերյալ, ապա սույն ձևակերպումները և Ի. Շոպենին դրականորեն վկայակոչելը⁴³ ապացուցում են նրանց անհետևողականությունը մեզ հետաքրքրող խնդրում: Բայց՝ սա ի

36 Б. Арутюнян, *նշվ. աշխ.*, էջ 79, 81, 121.

37 Վ. Ռշտունի, *նշվ. աշխ.*, էջ 23, 54.

38 М. Адонц, *նշվ. աշխ.*, էջ 82.

39 Հ. Թումանյան, *նշվ. աշխ.*, էջ 257—258.

40 Ս. Մարկոսյան, *Իմունիտետի իրավունքը Արարատյան երկրում*, էջ 158.

41 Վ. Դիլոյան, *նշվ. աշխ.*, էջ 160.

42 В. Дилоян, *նշվ. ավտոնոմիզմը*, էջ 27.

43 Վ. Ռշտունի, *նշվ. աշխ.*, էջ 23, 26, 54, М. Адонц, *նշվ. աշխ.*, էջ 38—39.

միջի ալլոց, Ուշագրավ է, որ այդ ձևակերպումներում Քիուլ (Քիուլդար) տերմինով ներկայացված է մուլքի և Քիուլի համատեղումը: Արդ՝ հետևելով ի. Պետրուշևսկուն պիտի կարծել, որ ոչ միայն Ք. Հարությունյանը, այլև վերոհիշյալ բոլոր հեղինակները կրկնել են ի. Շոպենի «սխալը», քանի որ վերջինս հենց այդ երևույթն է սխալմամբ ընդունել Քիուլի ինստիտուտի էություն տեղը: Մինչդեռ, ոչ միայն ի. Շոպենի գրքում, այլև նրան ժամանակակից 1830—1840-ական թվականների արխիվային շատ վավերագրերում նույնպես մուլքի և Քիուլի համատեղումը միևնույն տիրոջ օգտին հաճախ կոչվում է Քիուլ, շնայած որ գյուղն իրականում Քիուլա-մուլքադարական էր⁴⁴, իսկ «մուլք» տերմինի զուգահեռ օգտագործումը գյուղի տասանորդի տիրման նշանակությամբ բնավ դուրս չէր մղվել: Մեր կարծիքով, երբ նման դեպքերում մոռացության չի տրվում կամ ենթադրվում է իրական վիճակը, տիրակալումների իրավաբանական կազմը՝ «Քիուլ» տերմինի այդիմաստ գործադրումը սխալ չպետք է համարել:

Այս բոլորով հանդերձ, համոզված ենք, որ ի. Շոպենի արտահայտությունը՝ «Քիուլությունն ընդհանրապես» վերաբերում է նաև առանձին շնորհվող այն Քիուլին, որի տերը, ինչպես նկատել է ի. Պետրուշևսկին, անձամբ ինքն էր գանձում ամբողջ հարկ-ռենտան, և խանական հարկահավաքին արգելված էր գյուղ մտնել⁴⁵: Սակայն, ըստ ի. Պետրուշևսկու, XVIII դ. և XIX դ. սկզբին այդ Քիուլն արդեն հիմնովին տարբերվում էր սովորական Քիուլից, այսինքն՝ հատկանշում էր վերջինիս էվոլյուցիան հողի մասնավոր սեփականություն դառնալու և շնորհյալից «հարկատու ու հաճախ... լիակատար անձնական կախման մեջ դնելու» իմաստով⁴⁶:

Մեր կարծիքով Ս. Մարկոսյանն ապացուցել է, որ այս եզրակացությունը փաստապես հիմնավորված չէ կամ հետևանք է փաստերի երևութական ընկալման⁴⁷: Հիշենք միայն, որ խոսքը ոչ միայն Ադրբեջանի խանությունների Քիուլի մասին է, այլև՝ այն Քիուլի, որին իբր անտեղյակ էր ի. Շոպենը և որը, ի. Պետրուշևսկու հավաստմամբ, գոյություն ունեւ նաև Երևանի խանությունում, ուր «ամբողջությամբ գյուղական համայնքներ էին շնորհվում սեփականության, ախոնդներին և ծառայող մարդկանց»⁴⁸: Իբրև ապացույց նա վկայակոչել է Հայկական մարզի վարչության 1828 թ. երեք փաստաթուղթ և Ս. Նդիաղարովի աշխատությունը:

Հարց է ծագում. ի՞նչ հիմք կա ասելու, որ Քիուլին «միայն ցարական պաշտոնական փաստաթղթերով» ծանոթ և 1829—1837 թթ. այդ վարչությունում պաշտոնավարած ի. Շոպենն անծանոթ էր հենց ի. Պետրուշևսկու վկայաբերած նույն վարչության կարևոր փաստաթղթերին:

Առաջին փաստաթղթում՝ Կովկասի կառավարչապետ-գեներալ ի. Պասկևիչին ուղղված վարչության 1828 թ. ապրիլի 26-ի զեկուցագրում, ինչպես և Ս. Նդիաղարովի գրքում, իսկապես ասված է, որ Երևանի սարդարը բեկերին

⁴⁴ ՀՍՍՀ պետական կենտրոնական պատմության արխիվ, ֆ. 93, ց. 1, դ. 33, թ. 105, 377, ֆ. 133, ց. 1, մ. 1, դ. 30, թ. 33բ—34, ֆ. 56, էջմիածնի «սինոդի օրագրություններ», թղթ. 1, վավ. 101, թղթ. 9, վավ. 324 և այլն:

⁴⁵ И. Петрушевский, նշվ. աշխ., էջ 218:

⁴⁶ Նույն տեղում, էջ 217, 218:

⁴⁷ Ս. Մարկոսյան, Իմունիտետի իրավունքը Արարատյան երկրում, էջ 148—150:

⁴⁸ И. Петрушевский, նշվ. աշխ., էջ 220:

ու շիա հոգևորականներին շնորհում էր գյուղեր՝ իբրև թիուլային տիրույթ⁴⁹։ Վարչութիւնը տեղեկացրել է, որ ժառանգական թիուլները հատկացվում էին ռմեծ մասամբ կալվածատերերին՝ նրանց գյուղերի պետական եկամուտների նկատմամբ, կամ, ինչպես Ի. Շոպենը կասեր՝ համատեղում էին մուլքին, իսկ ժամանակավոր թիուլները տրվում էին մեծ մասամբ պետական գյուղերից՝ աշխատավարձի փոխարեն կամ նախկին ծառայութիւնների համար։ Թիուլատիրն իրավունք էր ստանում «բնակիչներին պահել իրեն», այսինքն՝ ըստ Ի. Շոպենի, վերջիններս հանվում էին պետական հարկացուցակից, Ի. Պասկևիչը, համառոտելով այդ բոլորը, համաձայնել է վարչութիւն կարծիքին, որ սարգարն առանձնաշնորհում էր «պետական գյուղերի եկամուտներից օգտվելու իրավունք»՝ թիւլ անունով (փաստաթուղթ երկրորդ⁵⁰, ընդգծմամբ մերն է—Ս. Ա.)։ Երրորդ փաստաթուղթը ոչ մի կապ չունի ներկա խնդրի հետ⁵¹։

Այս ամենում ակնարկ անգամ չկա հողային շնորհումների և թիուլատերերից գյուղացիների անձնական կախման մասին, ինչը պետք է ապացուցեր Ի. Պետրուշևսկին։ «Ամբողջությամբ գյուղական համայնքի շնորհում» ձևակերպումն ինքնին բնավ չի նշանակում հողի (իբրև մասնավոր սեփականության) և գյուղացիների շնորհում։ Ընդհակառակը. Հայկական մարզային վարչութիւն, Ի. Շոպենի, Ս. Նիկազարովի (և նախասովետական այլ հետազոտողների ու ցարական պաշտոնյաների) շատ հայտնի կարծիքով⁵² գյուղերի մասնակի թե ամբողջական հատկացումները «բարձր դասի» առանձին ներկայացուցիչներին, լինեին դրանք մուլք, թե թիուլ, ոչ այլ ինչ էին, եթե ոչ՝ պետական եկամուտներից օգտվելու իրավունքի առանձնաշնորհումներ՝ հողի պետական սեփականատիրության հիմունքով։ Այդ կարծիքը, որի կոնկրետ արտահայտութիւններն են վկայաբերված փաստաթղթերը, բոլոր կողմերով տրամագծորեն հակադիր է մուլքի և XVIIII դ. ու XIX դ. սկզբի թիուլի վերաբերյալ Ի. Պետրուշևսկու տեսակետին։

Այսպիսով, մուլքի ու թիուլի նույնասեռության և միատեսակության վերաբերյալ Բ. Հարութիւնյանի դրույթը հիմնավորվում է Ս. Մարկոսյանի մեկնաբանությամբ՝ մասնատիրոջ իրավունքը դիտելով որպես հարկ-ռենտայի տարբեր բաժինների (տասանորդի և փոքր բահրա-հնգորդի) կամ ամբողջ հարկ-ռենտայի (բահրայի) յուրացման ֆեոդալական իրավունք։ Բ. Հարութիւնյանը ոչ թե սխալվել է՝ դրականորեն վկայաբերելով Ի. Շոպենի տեղեկութիւնները թիուլի և սրա «տեղական այլատեսակի» մասին, այլ ինքնահակասել՝ մուլքատիրության հիմքում տեսնելով հողի մասնավոր կալվածատիրական սեփականություն։ Վ. Ռշտունու և Ի. Պետրուշևսկու միջև թիուլի հարցում էական տարաձայնութիւններ չկան, ինչպես թվացել է Ս. Մարկոսյանին։ Ընդ որում, Ի. Պետրուշևսկուն չի հաջողվել ապացուցել, որ գյուղի

⁴⁹ «Акты, собранные Кавказскою археографическою комиссиею», т. VII, Тифлис, 1878, стр. 491, док. 439; С. Егiazаров, Исследования по истории учреждений в Закавказье, часть I, Казань, 1889, стр. 10.

⁵⁰ Акты..., т. VII, стр. 492, док. 441.

⁵¹ Նույն տեղում, փաստաթուղթ 442։

⁵² И. Шопен, *уշվ. աշխ.*, էջ 925—926, С. Егiazаров, *уշվ. աշխ.*, էջ 10, 292, նույնի՝ Ֆեոդալական հողատիրութիւնը Եվրոպայում, մեր երկրի հայաբնակ մասում և մեր գյուղացու այժմյան տնտեսական դրութիւնը, Քիֆլիս, 1882, էջ 16—23։

ամրողջ Դարդ-ոննտայի թիուլային շնորհումը Երևանի խանութչունում միա-
 ժամանակ պաշտոնապես դարձել էր նաև հողի շնորհում՝ հարկատու բնակիչ-
 ներով հանդերձ։ Հետևաբար, սոսկ նրան վկայակոչող մի շարք հեղինակների
 տեսակետը, ըստ որի XVIII դ. և XIX դ. սկզբին թիուլը նույնանում էր մուլ-
 քին կամ հողի մասնավոր սեփականությունը դառնալու «տեղեկ» էր ցուցա-
 բերում, առանձնապես Երևանի խանութչան վերաբերմամբ փաստորեն հիմ-
 նավորված չէ։

ПО ПОВОДУ ВОПРОСА О ТИУЛЕ

САМВЕЛ АЛЕКСАНЯН

Резюме

Положение Б. Арутюняна об однородности тиула с мульком расценивалось рядом советских исследователей с разных принципиальных позиций. С. Маркосян подчеркивал, что оно противоречит общей точке зрения самого Б. Арутюняна и ряда авторов, согласно которой суть тиула, как правило, заключалась в присвоении пожалованной казенной доли ренты-налога на основе государственной земельной собственности, а право на мульт (взимание 1/10-ой ренты-налога) базировалось на безусловной частной помещичьей земельной собственности.

С. Маркосян же справедливо утверждал, что феодальное право на мульт ограничивалось бессрочным пользованием и распоряжением частью земельной ренты, т. е. мульт действительно был качественно однороден с тиулом на единой основе—на основе феодально-государственной собственности на землю.

Замечания И. Петрушевского, будто причина противоречивости в выводах Б. Арутюняна кроется в частичном повторении «ошибочного» или ограниченного взгляда И. Шопена на тиул, особенно на его «ереванскую» разновидность, не убедительны.

Независимо от некоторого неопределенного применения термина «тиул» («тиульство вообще») в упоминаниях И. Шопена, в целом, достаточно ясно представлены виды тиульных пожалований в Ереванском и Нахичеванском ханствах в начале XIX века. С ними по существу не расходятся документы Армянского областного правления за 1828 г. и замечания С. Егиазарова, освидетельствованием которых И. Петрушевский пытался доказать, будто в XVIII—начале XIX вв. «наряду с рентой» официально были пожалованы в собственность и земли тиульных деревень, с правом владельца на личность зависимых крестьян. Тут имела место поверхностная трактовка И. Петрушевским официальной формулировки «пожалование в тиул цельных сельских общин», которая вовсе не означает пожалование земли с населением в собственность. В вопросе о такого рода эволюции тиула в Восточной Армении между И. Петрушевским и В. Рштуни нет существенных разногласий, как это показалось С. Маркосяну.